

金石萃編

掃葉山房發行
唐駝署

金石錄

卷之五

古書

金石萃編卷二十八

賜進士出身 誥授光祿大夫刑部右侍郎加七級王昶謨

北魏二

司馬景和妻墓誌銘

石高廣各二尺二寸八分二十一行行二十一字正書在孟縣

魏代揚州長史南梁郡太守宜陽子司馬景和妻墓誌

銘

夫人姓孟字敬訓清河人也蓋中散大夫之幼女陳郡府君之季妹夫人資含章之淑氣稟懷穀之奇風芬芳特出英華秀生婉問河洲鼓鍾千里年十有七而作嬪於司馬氏自笄髮從入檢無違度四德孔循婦宜純備奉舅姑以恭孝興名接娣姒以謙慈作稱恒寬心靜質舉成物軌謹言慎行動爲人範斯所謂三宗厲矩九族承規者矣又夫人性寡妒妬多於容納穀桃友之宜上篤小星之遂下故能慶顯螽斯五男三女出入閨闈諷誦崇禮義方之誨旣形幽閑之教亦著然盡力事上夫人之勲夫婦有別夫人之識捨惡傳善夫人之志內宗加密夫人之恤姻於外親夫人之仁夫人有五器而加以躬撙節用豈悟天道無知與善徒言享年不永凶厠橫集春秋卅有二以延昌二年夏六月甲申朔廿日

北魏二

北魏二

北魏二

癸卯遘疾奄忽薨於壽春嗚呼哀哉享三年正月庚戌朔十二日辛酉歸塋於鄉賁河內溫縣溫城之西寔以營原與龍龜野成丘故式述清高而爲頌云

穆穆夫人乘和誕生蘭蕤蕙糅玉潤金聲令問在室徽音事庭方字洪烈範古流名如何不淑早世但傾思聞後葉刊石題誠

右司馬景和妻墓誌銘自稱魏代或以代爲朝代之

代非也按集古錄太武太延五年大代修華嶽廟碑跋云魏自道武天興元年議定國號羣臣欲稱代而道武不許乃仍稱魏自是之後無改國稱代之事而魏碑數數有之碑石當時所刻不應妄但史失其事爾由是言之史家闕謬可勝道哉金石錄云余按崔浩傳云方士初織奏改代爲萬年浩曰晉太祖道武皇帝應期受命開拓洪業諸所制置無不循古以始封代土後稱爲魏故代魏兼用猶彼殷商蓋當時國號雖稱爲魏然猶不廢始封故兼稱代爾今按此所云魏代正是代魏兼用之義足與史書相發又按後魏太安二年中嶽廟碑內有太代應期之語亦可明此所謂代非朝代之代也 又此誌所述事迹其體頗似加九錫文竊以謂此是司馬家風故相沿以施

之於巾幗爾又其書體多出創意如妻作妻票作廩從作從舉作舉螽作螽之類幾難枚舉蓋皆不合六書之義然後魏書碑亦往往而是此自是一種風氣不必深論也若其筆跡之佳_{後漢書家三昧}政如黃山谷評楊風子書所謂散僧入聖者當為魏碑中佳刻然初觀殊不可喜又此石雖存然較之三十年前搨本已多損剝良由石質脆薄多拓定不能久耳石方只六寸厚僅二寸許云_{孟縣志}

沈進士嵩門以所藏魏人墓誌見示按其文題曰魏代揚州長史南梁郡太守宜陽子司馬景和妻墓誌銘以延昌三年正月辛酉葬而為頌題稱銘而文稱頌題不著其妻姓而文但曰中散大夫之幼女陳郡府君之季妹亦不著其父兄之名皆金石例所未舉雖漢碑有之然非正也魏自有晉懷愍之世始封於代踰九十年乃詔以國號為魏而此文猶以魏代為稱則其不忘本始之意亦可見矣文多別體蓋北朝習俗相沿使然爾_{翁方綱跋}

誌銘題首云魏代揚州長史南梁郡太守宜陽子司馬景和妻其文首云夫人姓孟字敬訓清河人也以延昌三年自壽春歸葬鄉墳河內溫縣溫城之西攷

魏書崔浩傳以始封代土後為魏故代魏兼用猶彼殷商今此誌題魏代與傳文正相符契然以推之道武帝紀天興元年羣臣言國家萬世相承啟基雲代應以為號帝下詔宜仍先號以為魏則當時改號稱代帝實不從而魏修中嶽廟碑于大代太和兩見太和二年始平公造像記亦云暨于大代太和七年孫秋生造像記首題大代以例誌文兼號魏代此必史氏之疎又不悟其紀傳自相戾也石近為馮戶部魚山搜出已載入孟志所論與余合又別體字票作廩筭作筭備作倍族作族寡作寡妬作妬螽作螽_{授堂金石}

按魏書傳司馬叔璠為晉安平獻王子之後晉末入魏以安遠將軍丹陽侯卒子靈壽造壽道壽為寧朔將軍封宜陽子長子元興次子仲明元興子景和官給事中稍遷揚州驃騎府長史清河內史正光元年卒贈左將軍平州刺史與志皆合然書稱元興襲父爵不書景和襲爵豈史之疎歟魏孝明延昌二年為梁天監十二年時梁魏擣兵于淮南諸郡而壽春扼其衝且是年五月壽陽大水城不設者三版干戈偃擐之際乃能從容歸葬又作

銘以示後人夫人不可謂非幸也然是時距正光元年不及十年而景和亦已歿矣北史既不載景和魏書亦不載景和之子此誌雖有五男二女之文名皆不著頗恨其過簡然字畫古質可喜往往有隸意尤多別體爲魏晉南北朝所罕見者第自來金石書皆不著錄不審其石何在也沈子嵩門以拓本見示完好可誦因考而書其後嵩門名景熊仁和縣舉人成進士爲子小門生現任貴州印

江知縣

尹靜妙造像記

石不計尺寸記七行行四字五字三字不等

延昌四口八月辛未朔廿九日巳亥清信女尹靜妙口

一切衆生造

松滋公元萇溫泉頌

碑連額高五尺五寸廣三尺二寸十一行每行計三十字正書篆額在臨潼縣溫泉觀

魏使持節散騎常侍都督雒州諸軍事安西將軍雒州

刺史松滋公河南元萇振興溫泉之頌

夫駕輕煙勒麟鳳駛及奔星走攀流月蠅變羽化之民
煥霞口口之士斯蓋有道存焉固非人事之所觀覲至
若泥行水驟而食之夫興沒自天去來非已寸陰口於

朝露百齡迅於滅電一物不諧則耽贅以生庶事不康
則風火以敗故聖王口百姓之多疾換藥石以濟之造
化愍蒼生之鳩毒設甘餌以救之蓋溫泉者乃自然之
經方天地之元醫出於河渭之南泄於麗山之下淵華
玉澈口清數刃靈感超異峻極不測無樵薪之費而揚
湯沸於楚鏤無公疎之探而寒暑調於夏鼎高塘之雲
朝舞於水湄巫山之雨夕收於淵際青林碧草含露而
通岸香風蕙色列口而環渚於是左湯谷右濠汜南九
江北瀚海干城萬國之氓懷疾枕病之口莫不宿糧而
來賓療苦於斯水但土無尺棟下無環堵悠悠君子我
將安泊孤忝發軔咸池分徐紫漢道屬昇平弱年敦仕
既歷通顯朝望已隆爰自常伯出居分陝地兼陸海之
饒祿厚封君之室而報天之効無聞鄙民之譽安在每
思傾口微寒深責以爲斯泉天實登之而人略未徇迺
翦山開郭因林構宇遂館來風清簷駐月望想煙霞遲
羽衣之或顧顙言多士恕曰茲以蕩穢適作頌曰
皇皇上靈愍我蒼生泌彼溫泉于此麗川其水刻神刻
神刻聖濟世之醫救民之命其聖伊何排霜吐旭其神
伊何吞朧去毒無藉烟炭誰假樵木湛若虞淵沸如湯
谷東枕華山西拒咸陽連疇接畛墟落相望彩林爭翠

金石萃編 卷三十六

蒙樹成行香風旦起文霞夕張陟彼麗山望想千里迺
作高堂鴻飛鳳起三輔之英五都之士慕我芳塵爰居
爰止其德既酋其聲既遠金華屑桂春山九轉目放羣
羊手口口犬控鵠來思俊我口堂而

碑側題名

側廣八寸二行
行六字行書

眞淨子屢觀此碑裴徊不能去

又四行行五
字隸書

大定壬寅仲冬十二日樓雲老人遊此子宗傑侍行

碑額三十六字體奇詭不知所自云魏使持節散

騎常侍都督雍州諸軍事安西將軍雍州刺史松滋

公河南元萇振興溫泉之頌萇子孝文時以代尹除

懷朔鎮都大將宣武時爲北中郎將帶河內太守歷

侍中雍州刺史是碑所作當在宣武時也本傳稱萇

襲爵松滋侯例降侯賜艾陵伯降侯爲伯在孝文大

統十六年是碑仍稱松滋者當是尊崇其世爵故不

及其所降之爵也亦俗情如此耶

關中金
石記

按元萇傳魏書與北史文同傳稱元萇高祖時襲

爵松滋侯例降侯賜艾陵伯高祖遷都以代尹爾

鎮除懷朔鎮都大將世宗時爲北中郎將帶河內

太守歷位度支尚書侍中雍州刺史卒諡曰成子

子華襲爵孝莊初除齊州刺史碑額題使持節散

騎常侍都督雍州諸軍事安西將軍當是刺史結

銜之例如此傳從略也初襲松滋侯降侯賜艾陵伯

而碑額題松滋公姑無論當稱降爵不當仍侯且

松滋之封自萇之曾祖始累世承襲皆是侯爵未

嘗稱公則此題松滋公所未詳也降侯爲伯孝文

時制以非太祖子孫王降爲公公降爲侯侯降爲

伯子男萇之始封祖上谷公紇羅乃神元皇帝之

曾孫在降封之例事在孝文太和十六年關中記

謂大統者似偶誤也水經注渭水逕新豐縣故城

北東與魚池水會池水又西北流水之西南有溫

泉世以瘵疾三秦記曰麗山西北有溫泉祭則得

入不祭則爛人肉俗云始皇與神女游而忤其旨

神水唾之生瘡始皇謝之神女爲出溫水後人因

以澆洗瘡碑所記大致皆合且因有神女之明文

故云高塘之雲朝發於水湄巫山之雨夕收於淵

際蓋亦以艷語敷之也又云上無尺棟下無環堵

迺翫山開郭因林構宇遂館來風清簷駐月然則

溫泉之有室自元萇始矣文內元萇自稱爲孤他

碑罕見觀縷今俗作觀縷碑書作觀觀樵蘇之爨
爨作爨易鼎卦覆公餗餗作疎高唐之雲作高塘
吞酖去毒酖與鳩通也乃書作酖西亘咸陽作西
拒其德既適作既酉皆別體也碑無年月元萇為
雍州刺史傳亦不詳何年傳稱其為河內太守在
世宗時其子除齊州刺史在孝莊初則以此碑附
於世宗之末為宜矣碑側二行皆後人所題一無
年月一為金大定二十二年壬寅歲也

楊大眼造象記

碑連額高三尺九寸廣一尺七寸四分十一行行廿三字正書額題邑子像三字亦正書在洛陽伊闕

邑主仇池楊大眼為孝文 皇帝造象記

夫靈光弗曜大千懷永夜之口口蹤不遺葉生哈靡道
之懺是以如來應羣緣以顯迹爰暨口口像遂著降
及後王茲功服佐輔國將軍直閣將軍口口口梁州
大中正安戎縣開國子仇池楊大眼誕承龍曜之資遠
踵應符之靈藥英奇於弱年挺超羣於始封其口也垂
仁聲於未聞揮光也摧百万於一掌震英勇則九宇口
馬存侍納則朝野必附彰王衢於三紛掃雲勦於天路
南穢既澄震儼歸闕軍次口行路逕石窟覽先 皇之
明蹤觀盛聖之麗迹矚目口霄泣然流感遂為孝文

皇帝造石像一區凡及眾形罔口脩列刊名記功示之
云尔 武

大眼武都氏難當之孫魏書有傳碑云輔國將軍直
閣將軍口口口梁州大中正安戎縣開國 官與
史合史惟不及梁州大中正及安戎為安成傳為之
誤耳碑云彰王衢於三紛掃雲勦於天路寫清為影
鯨為勳皆別字又云南穢既登震儼歸闕儼即旅字
其寫含為哈稟為稟覽為覽賜為賜功為功皆別字
末有武字似下有年號未了 中州金石記

記首題邑主仇池楊大眼為孝文 下以記後文證之

知其為孝文帝造石像作也大眼書官云輔國將軍
直閣將軍 下缺梁州大中正安戎縣開國子北史裴

叔業以壽春內附與奚康生等率眾先入以功封安
成縣子除直閣將軍出為東荊州刺史以此記相較

蓋缺錄為輔國將軍不如魏書之詳 魏書除直閣將軍尋加輔國將軍

而梁州大中正失載及安戎之訛安成則兩史並
誤脫也記又云南穢既澄震儼旅歸闕案是時為宣武

初裴叔業內附所謂南穢者即當指此然則此記正
記於宣武時也記後文單書一武字莫曉其指書勢

尤礫卓魏石刻亦希見 授堂金石跋

魏靈藏造像記

碑連額高三尺九寸五分廣一尺七寸四分十行行廿三字正書額題魏靈藏薛法紹釋迦像九字在洛陽伊關

夫靈跡誕邁必表光大之迹靈功既敷必樹畜世之作自雙林改照大千懷綴曠之悲慧日潛暉哈生街道慕之應是以應真悼三乘之靡憑遂騰空以刊像爰暨下代茲容厥作鉅鑊魏靈藏河東薛法紹二人等永蒙光東照之資關兇舉翊頭之益敢 輒罄家財造石像一區凡及衆形罔不備列頭軀祚興遐万方朝貫顛藏等挺三槐於孤峰秀九蕚於華苑芳實再繁彫樛獨茂合門榮葩福流奔葉命終之後飛逢千聖神颺六通智周三達曠世所生元身眷屬拾百卽則鵬鵠龍花悟無生則鳳昇道樹五道羣生咸同斯慶

陸渾縣切曹魏靈藏

字體似楊大眼記琇捺卽荆條別字也又寫標爲樹哈爲哈希爲希求爲永豪爲豪率爲率棘爲森中州金石

記所言蓋靈藏法紹二人自爲祝釐之詞皆誕妄無稽不自悲其愚也別體字痛作應鹿作鍾授堂金石跋

齊郡王祐造象記

石高廣並一尺六寸十五行行十六字正書

夫靈宗冲邈跡遠於鹿開靈範崇虛理絕於埃境若不圖色相以表光儀尋聲教以陳妙軌將何以依布至象髣髴神功者哉持節督涇州諸軍事征虜將軍涇州刺史齊郡王祐體蔭宸儀天縱淑茂達成貴之通途識眞假之高韻精善惡二門明生滅之一理資福有由歸道無礙於是依雲山之逸狀卽林水之仙區咸神像於青山鏤禪形於靈石締慶想於幽津結嘉應於冥運乃佐銘曰

芒芒靈樞眇眇幽宗靈風潛被神化冥通舟輿爲本晨涇爲功德由世重道以人鴻臨觀淨境口絕口口圖形泉石構至雲松口口口口口口口口福田有慶嘉應無窮

熙平二年七月廿日造

右涇州刺史齊郡王祐造像記文稱體蔭宸儀天縱淑茂蓋魏文成帝之孫齊郡王簡之子也北史作祐蓋傳刻之譌其官征虜將軍亦史所失載涇疑卽濟字潛研堂金石跋尾

按魏書列傳文成皇帝七男第四卽簡以太和五年封齊郡王薨諡曰順子祐字伯授襲封位涇州

刺史薨諡曰敬攷簡之薨在孝文帝太和二十三年則祐之薨在宣武帝時造像在孝明帝熙平二年距薨封又十八年矣碑無作記者姓名玩其文曰體蔭宸儀天縱淑茂云云非祐自述語殆他人勒銘以記者也下文云精善惡二門明生滅之一理善惡下似當有之字又銘云圖形泉石構至雲松至似當作室想刻本訛脫也

刁遵墓誌

碑高三尺二寸廣二尺八寸二十八行每行三十三字正書今在南皮高氏

魏故使持節都督洛苑州□□□□□□□□

高祖協元亮晉侍中尚書左僕□□□□□□□□

□□□□□□□□□□ 夫人彭城曹氏 父

義晉梁國□□□□□□□□□□□□□□

□□□ 曾祖彝太倫晉侍中徐州牧司空□陽□□

□□□□□□□□□□□□□□ 祖暢仲遠晉

中書令金紫左光祿大夫□平□□□□□□□□

□□□□□□ 父雍淑和皇魏使持節侍中都督揚

豫宛徐四州□□□□□□□□□□□□□□ 徐豫

冀三州刺史東安簡公 夫人琅耶王氏 父□□□□

□□□□□□□□ 公諱遵字奉國勃海饒安人

也姓氏之興錄於帝齒中葉□□□□□□□□□□
□廣淵謨明有晉祖父以忠肅恭懿聯輝建□□見者
世往傳開□□□□□□□□□□□□□□之外不復銘於幽
泉也公稟惟岳之靈挺基仁之德忠□本於立□□□
□□□□□□□□□□□□□□□□□□□□□□□□
於人無際但昂然愕然者大□□□□□□□□侍中中書
監司空文公高允皇代之儒宗見而異之便以女□焉
太和中□□□□□□尋拜魏郡太守寬明臨下而德洽
于民正始中徵爲太尉高□□□□□□□□□□□□有
古人之風器而禮焉俄而轉大司農少卿均節九賦以
豐却用莅事未暮遷使持□都督洛州諸軍事龍驤將
軍洛州刺史公之立政惠流兩壘平陽慕化辟地二百
方一江污成功告老上天不吊忽焉降疾熙平元年秋
七月廿六日春秋七十有六薨于位朝廷痛悼百寮追
惜贈使持節都督雍州諸軍事平東將軍雍州刺史侯
如故加諡曰惠禮也惟公爲子也孝爲父也慈在臣也
忠居蕃也治兄弟穆常棣之親朋友著必然之信尊賢
容衆博施無窮載仁抱義行藏罔滯溫恭好善棠榆彌
篤小子整等泣徂年之箭駿痛龜莖之告祥奉靈輜而
號慟遷神柩於故鄉以二年歲次丁酉冬十月己丑朔

九日丁酉夢於饒安城之西南孝義里 皇孝儀同簡
公神塋之左松門水闊深局長鍵庶鐫石於下壤仰誌
惠於幽泉其辭曰

彼彼縣胄帝儻之靈驛代貞賢自唐暨晉明哲迭興忠
能繼備在洛雲居徂楊岳鎮氛鯨興虐金蠶道亡於昭
我 祖違難來翔位班鼎列朝望斯光顯顯懿 孝奉
構腰環依仁挺信據德樹明紐龜出守入讀台衡惠霑
千里道懋槐連清風遙被徽音遠盈日登農載播稼是
司魏魏高廩禮教將怡邊城俟捍戎氓行治秉祚肅命
董牧宣威方叔剋莊燕輿遐齡庶乘和其必壽泣信順
而徂傾攀號子罔訴摧裂子崩聲銘遺德子心目糜刊
泉石子勸深局 夫人同郡高氏 父允侍中中書
監司空咸陽文公

右魏刁遵墓誌遵雍之子也誌載遵歷官始末與魏
書刁雍傳略同惟本傳云遵襲爵太和中例降為侯
而前叙雍事但云賜爵東安侯別無進封之文不知
何以云例降蓋傳文有脫誤爾遵有子十三人誌惟
云小子勸等勸即整字不及諸昆弟之名蓋遵沒時整兄
楷尚俱已先卒古人文字之質而簡如此而諸弟姪
不以不列名為嫌又徵古風之淳厚也誌列三世官

爵于首似行狀之式而銘詞之後別云夫人同郡高
氏云云皆墓誌之變例也廣韻及通志氏族略並引
風俗通以刁民為齊大夫豎刁之後此誌云彼彼即悠
字 縣胄帝儻之允驛代貞賢自唐迄晉不知何所据
徧檢字書亦無儻字潛研堂金石文跋尾

雍正間南皮縣刁公樓耕人得此誌于刁氏墓中缺
其一角竹庵盒金石日錄

同里金二質甫守天津余客清苑一日寄余後魏人
墓銘拓本且云石在南皮不知何時出土有樂陵諸
生攜以去今訪至其家揭得十本以其一見示屬為
考之余閱其文簡淨書復適媚惜其石右下殘闕不
知誰氏墓也誌稱魏洛州刺史諱遵勃海饒安人前
列四世高祖協曾祖彝祖暢皆仕晉父雍始仕魏余
因詳稽書史而知遵者刁遵也刁協在晉元帝時為
尚書令而見疾於王敦敦之構逆也上疏罪協帝使
協出督六師及石頭之敗協行至江乘為人所殺送
首于敦敦平後協子彝乃斬仇人黨以首祭協墓由
是知名歷徐兗二州刺史鎮廣陵卒官彝三子達暢
宏而暢為始興相桓靈寶以暢為右衛將軍魏書及北史刁雍傳俱稱暢為
晉右衛將軍劉裕起義暢乃伏誅宋書本紀云高

祖家貧常負刁達社錢三萬經時無以還達執錄其

嚴王謚造達見之密以錢代還由是得釋魏書兩見

傳一在島夷劉裕傳南史裕誅靈寶以嫌故先誅刁

亦同惟北史三傳作一萬氏雍為暢故吏所匿雍北史奔姚興豫州牧姚紹於

洛陽後至長安與以雍為太子中庶子姚泓滅歸魏

太宗明元帝假雍建威將軍青州刺史東光侯晉徐

豫二州刺史拜特進賜爵東光伯侯伯祇載北史獻文帝皇

興中雍與源賀高允等並以耆年特見優禮允則遵

之妻父也誌稱遵於孝文帝太和中為魏郡太守乃

南齊高帝武帝之時宣武帝正始中遷洛州刺史在

梁武帝天監二三年間其歿於熙平元年則天監之

十四年也遵有子十三人見於史者楷子冲襲爵

有傳冲尚整整子柔仕齊魏書作宜南史侯魏書

子欽與尚皆早卒故誌稱整等整字景智仕至征東大將

軍滄冀瀛三州刺史大都督加車騎將軍右光祿大

夫諡曰文獻遵之卒也整時為驍騎將軍而誌但稱

小子整等不書其官已四品上階也至饒安在漢為

千童縣後漢靈帝時始改此名魏書地形誌饒安自

熙平二年改屬浮陽郡遵卒於熙平元年故誌猶稱

渤海也若南皮與饒安自是兩縣而誌石顧出南皮

將母誌所云孝義里者魏後割入南皮歟魏書云遵

嘗經篤疾幾死見神明救免言是福門之子當享長

年北史史於他治行不書獨書此一事願誌不及焉

汪師韓跋

誌石為渤海劉克綸所得云里人自廢寺址掘出之

而已殘其一角今少山拓本文微有不續者此也案

誌文載高祖協元亮晉侍中尚書左僕缺晉書協曾

祖彝太倫晉侍中徐州牧司空義陽缺晉書徐充二

中司祖暢仲遠晉中書令金紫光祿大夫晉書言暢

伏誅次子宏亡不知所在今以誌言於昭我祖達難

來期則應也應當桓元之變不肯從逆而避地易名

當是其事父名淑和皇魏使持節侍中都督揚豫兗徐四

州缺徐豫三州刺史東安簡公其世系之詳以案于

北史列傳刁靡字叔和曾祖協位尚書令父暢晉右

衛將軍較此誌叙官少略至靡本傳惟言明元假靡

建威將軍又假靡鎮東將軍青州刺史東光侯遷鎮

濟陰遷徐州刺史賜爵東安伯與此誌互勘乃相備

也誌云公諱遵字奉國渤海饒安人也案遵亦見北

史云遵少不拘小節長更修改今誌言缺以小節而

求大名無虛譽以眩世與史正相符又遵歷官以誌

證之太和中轉大司農少卿尋拜魏郡太守正始中

徵字殘太尉高陽字殘一吞議參軍事都督洛州諸軍事

龍驤將軍洛州刺史又贈使持節都督冀州諸軍事

平東將軍兗州刺史今傳所載獨有卒於洛州刺史

亦其史文之略不及盡一人始末非廣記備言之體

也誌又記小子整等整附載冲傳後云整字景智遵

子楷早卒楷子冲宜為祖後者也今誌書小子整奉

喪於禮文未協當亦一時俗尚使然耳刁氏以晉書

言之當劉氏既破桓元遂滅刁氏幾無遺類矣而靡

及子遵並顯於魏然則協之志固宜有後者也金石

跋

案魏書刁冲傳載遵將卒勅其子孫令奉父雍行孝

論薄葬遺旨此誌亦未及也碑中充作充汚作汚棟

作棣旄作祗龜作龜筮作莖皆別體惟量字未詳左

金石

賈思伯碑

碑高六尺五寸廣三尺四寸二十四行每行四十四字正書額題魏兗州賈使君之碑今在兗州府學

夫疵□□□因方祇以□緒□因既戚廉□□□德

□□□□□風□□□□□□□□□□□□□使

□□源遄緬穀鄰崇深識照天璣冲光警智冰清玉映

有夷齊之揆莅政□化□□□□□□□□□□□□

□□□□作捍青蕃流愛屋之歌垂芳河濟欣來蘇之

詠可謂動衆化□□□□□□□□盛□□□□□

□□□□□刊方來何述前治中從事史東平內史

□昌伯東平□祖毚長□□又史山□□□□□□

□□□□□威將軍治中從事史吳興沈預民□

徐貞思等鑲石鐫□□徽萬□□□□□□□□

□□□□□□□□君諱思伯字士休武威姑臧

人也晉太師賈他之後□□太傳誼□□□□□

□□□□□九世祖□□魏青龍中為幽州刺史行

達□州□州□□□□亡遂□□□□□□□□

□□□□□州刺史高祖朕□事燕冀別駕宜都

王司馬曾祖宏少有令譽未宦早亡祖□□□□

□□□□□遂□青州□□錄本州□中正州主簿

齊郡太守君童胤之中卓然岐嶷親隣純綺□□宋□

□善文賦慷慨□志□□張良□□超悵致□魏太和

中起家為奉朝請尊□□得□遊雅素逍遙集□□

□□□高誼□求□□□□□雖年始弱冠便□然

公輔之□□稍遷楊列將軍□□校尉□前軍將軍□

拜仍授輔國將□□□□□□□□□□□□□左意

夜勤王匪躬斯著遐邇欽風縉紳引領除河內太守以

親老□□□除□□□□□□□尋□□□將□
 一載□召拜熒陽太守辭不獲已遂恭所授官任未暮
 風教遠□□□□□□□不□□□□澤漸□年
 方之我君□有慙德矣尋除持節督南青州諸軍事征
 虜將軍南青州刺史□□□□□□□□□之□□
 □□所頃□丁父憂復召拜光祿少卿將軍如故君諒
 聞在躬宿昔皓髮繼□□□幾□毀□□□哀□□□
 嘗□□□^充□□財賑施親疎周給門姪長幼靡不瞻
 卹等其榮悴均其豐約士□□□除持節□兗州諸軍
 事左□□□州□□□州土荒饑連歲不登又境上
 之民好懷去□君按之以□□之□□□□□在優平
 賦□□其之間□□歲稔□□既實禮義用興關境
 懷仁外隣□附民庶欣歌士女□詠仰□□徽□銘金
 石□□□□□□□□□□□照灼英徽蟬聯
 □□德楷世□仁惟□矩聲溢遐□芳流遠舉動□□
 頁化言□□□□謨資□韶氣繪藻□□華綺續雕
 思三□□辨滄澗別味思渾二省□□□□續既□
 □□□良海沂換□□鄭懷芳□□□□□□義彰
 詠兼系管□景甘棠撫□河濟飭光□服治隆王趙才
 超張陸化湛煙翔風□□屬□□既領憲□以穆寬□

猛相資惠和並布威厲秋霜澤孚春露巖栖以空丘園
 知慕異域□恩□隣福附□詞載□聲教□□□□
 □□民庶未融敬惟德化於此知隆□□□□永馥芳
 風

神龜二年歲次己亥四月戊辰朔□日丁亥訖功

大義主翟旭仁□義主□文令曹按都義主姜甫

德

題賈使君碑陰

^{陰分兩截書此在上截}
 十行行十九字正書

余昔嘗見此碑墨本於彭城劉希道家希道語余曰

我先君與石曼卿善曼卿酷愛此字謂其行筆似褚

遂良疑褚書得此筆法余來兗州即訪此碑於州人

無有知者及余重修相悅堂親爲經度行堂下庖舍

中忽見此碑卧竈後爲膳夫壓肉石矣余使人出之

于泥中汲水濯滌久之始可讀比昔時所見墨本雖

班班有剝缺處而加有古氣尤爲可愛因募工取石

爲座剏其中以上承之立堂之西偏以備好事者之

觀既安固矣庶可久無虞也紹聖三年丙子歲中元

日太原溫益禹弼題

重題賈使君碑陰

此在碑陰之下截十
六行行十字正書

兗州賈使君碑古人甚珍愛之何隱顯之有時也余
因掌北門之管暇行城下見土中露石角詢諸人則
曰是古碑也發而視之筆法高古昔人酷愛者豈欺
我哉遂告知州李公命衆舉于門之右嵌石爲座口
復立焉更俟後之好事者知古人之用心也

皆大元至正十二年歲次壬辰冬十一月日兗州知
州 李弼顏從恕暨前磁陽縣尹蘇若思儼然蠡州

同知正鎮記

右賈思伯碑云諱思伯字士林武威姑臧人也太和
中召拜滎陽太守辭不獲又云青龍中出爲幽州刺
史齊郡太守其前後已磨滅不可盡識按趙氏錄賈
思同碑跋云思同與其兄思伯後魏書皆有傳爲青
州益都人今其墓乃在壽光縣而思伯之碑亡矣此
碑官秩與傳合青龍年號則三國之魏非拓拔氏也
前魏有賈翊爲姑臧人豈卽思伯之高曾列在此碑
以殘泐而無考耶德父云碑已亡而尙存于數百年
後又一奇也但勸進受禪大饗諸碑皆作漢隸此碑
忽開隸楷之漸直似褚河南三龕記筆意乃正書之
始歟

金石錄補

右兗州賈思伯碑文多殘失立碑之歲月趙明誠云
神龜二年四月今不可攷矣碑云思伯字士林而魏
書北史作仕休當從石刻其書休爲休與司馬元興
墓誌同晉人艸書休下多一畫亦以此碑云晉太師
賈他之後卽賈佗也又云九世祖口魏青龍中爲幽
州刺史按唐書宰相世系表賈詡魏太尉肅侯生璣
駙馬都尉關內侯又徙長樂此碑九世祖下似是璣
字又有因忠喪亡之語官位亦與唐表不合未審其
是否也

潛研堂金
石文跋尾

案賈思伯魏書有傳此碑官秩皆合惜文多剝蝕碑
云口夜勤王匪躬口著遐邇欽風傳云任城王澄圍
鍾離以思伯持節爲其軍司澄失利思伯爲後殷澄
大喜思伯不伐其功時論稱其長者卽其事也立碑
歲月字更漫漶惟神龜下隱隱有己亥二字考之知
是二年也碑陰有宋元人記得碑始末甚詳其側康
熙間知府金一鳳題數行以爲三國時物是誤以元
魏爲曹魏也

山左金
石志

按此碑今在山東兗州府學戟門下西偏東向以
碑陰考之宋元之世原在府治不知何年移於學
宮稽之府志旣無明文康熙庚子兗守金一鳳自

風日中置之廡下刻記碑側亦不詳何處之廡下其緣起無從考矣碑遭風雨剝蝕大半府志不錄碑文不能補全魏書列傳簡略無補於碑之闕文然彼此有可互證者碑稱君爲武威姑臧人傳則稱齊郡益都人考魏書賈彝傳稱彝本武威姑臧人六世祖敷魏幽州刺史廣川都亭侯子孫因家焉據此則武威姑臧是賈氏之先籍也傳稱釋褐奉朝請太子步兵校尉中書舍人轉中書侍郎世宗卽位轉輔國將軍碑則又有揚烈字及前軍將軍字傳所未備也碑於除河內太守以親老辭下有除字尋字而闕者十餘字傳則云除鴻臚少卿尋丁母憂也其官兗州也碑多闕字以傳考之乃是除持節督兗州諸軍事左將軍兗州刺史也碑云州土荒饑連歲不登傳於兗州政績無一語及之州志旣不列於官蹟又不紀於災祥公之善政竟無考矣照灼英徽以下云云當是銘詞可讀成句者無幾神龜年月字甚漫漶賴己亥二字可辨方能定其爲二年末有義主又有大義主魯郡太守張猛龍碑有義主而無大義主

趙阿歡等造像記

石高二尺八寸廣一尺三寸五分分兩截上截記十行行十二字至十五字不等下截人姓名並行書夫冲宗凝湛非妙像無以感其原至道靈微非詮莫能尋其本是以關口趙阿歡諸邑廿二人體生滅之際識去流之分知是浮雲今如霜口故各竭家財造弥勒像一匣藉同此福緣邑儀光著道根扶疎口外增

万吉實侍龍花之期

口口口欲因緣

知識

口口口澤

神龜三年六月口

說功

邑師惠感口

呂願德

孫阿歡

張龍口

邑主趙阿歡

劉運晃

許歡德

韓法智

光明主張惠普

趙道茂

李雙周

張毛洛

都維郎王呂宜

楊惠抱

維郎賈勝景口

江文宗

張伙人

維郎張惠勝

張同敬

索琬保

邑正許惠但

王神龍

樂伏護

邑老張伙保

奴

趙胡扶

邑主孟甚命

趙當貴

金石萃編卷二十八終

金石萃編卷二十九

賜進士出身 誥授光祿大夫刑部右侍郎加七級王親讓

北魏三

高植墓誌

石高三尺四寸廣二尺三寸五分二十一
行行二十八字正書今在德州田氏家

魏故濟南相涼朔恒六州刺史

君諱植字子建勃海蓀人也下茂烈皆備之國藉家傳

不復更錄下不幸君口靈原之下者顧賜下求口道於

口矜始此下宣武皇下皇帝已下衛下理況下絕口馬

之下我以口方約我以下下心始口 詐之輩下君在下

神飈然下泉下至德口虛糜下名山口衛下龍飛鳳舞

下贖子下豪痛彼蒼

者天幸此明公矣矣哲人惟義是依每見我君終始許

師

大魏神龜下

按景州城東十八里有村名六屯本舊地割屬惠州

河岸雨坵得一石土人取之置野寺中字跡殘闕什

不存一矣石形高橫三尺厚五寸四面徧書上云諱

植字子建魏濟南刺史末注神龜元年蓋北魏高植

之墓石也考魏書外戚傳高肇之子植自中書侍郎

為濟州刺史率州軍討破元愉別將有功當蒙封賞

不受云家荷重恩為國致効是其常節何足以膺進

防之報懇惻發於至誠歷青相朔恒四州刺史清能

著稱田雯長河志備考

植父肇之妹即植嫡姑為高祖孝文帝后號文昭皇

后生世宗而世宗宣武帝之后高氏即文昭弟偃之

女世為后族文中國籍家傳及宣武皇帝字皆叙其

家世之貴盛史於植之父肇刺譏不遺餘力而植傳

則云當時號為良刺史此碑所以有夏矣哲人云云

也石於康熙間掘得歸田雯綸霞作長歌紀之云洵

洗摩挲搜石尾下紀年月稱神龜渤海舊人父名肇

北魏高氏從可知云云今更剝蝕神龜年號及父名

肇字亦無存矣職術編

右碑載田侍郎雯長河志籍考文二十一行字徑六

分多漫漶僅辨百數十字左有直線一行外刻銘辭

末行紀年存大魏神龜四字此碑存者字體精整鋒

穎猶新為顏魯公所祖洵可珍也山左金石志

按此碑從德州田氏家藏殘石揭出碑中一穿徑

八寸許而不圓似經後人鑿損者餘未損處亦多

磨泐左空處有龍飛鳳舞四字筆畫字體迥與木